



CLUB SILVA SD

Fundado en 1940
Avenida Galileo Galilei, 12
15.008 – A Coruña

ESTATUTOS DO CLUB SILVA SD

CAPÍTULO I

Normas xerais

Artigo 1º. O Club Silva SD é unha asociación privada con personalidade xurídica e capacidade de obrar, integrada por persoas físicas ou xurídicas, con prsonalidade xurídica propia e capacidade de obrar, con domicilio na comunidade autónoma de Galicia, que ten como obxeto primordial o fomento e impulsa da práctica continuada dunha ou varias modalidades deportivas, así como a participación en actividades e competicións deportivas calquera que sexa o seu nivel de destinatario.

Artigo 2º. O club Silva SD practicará como única modalidade deportiva a de fútbol, e solicitará a ratificación dos Estatutos e a inscrición no Rexistro de Entidades Deportivas de Galicia, de conformidade coa Lei do Deporte de Galicia.

A xunta directiva poderá acordar a creación de novas seccións para a práctica deportivas doutras modalidades, inscribíndose nas correspondentes federacións.

Artigo 3º. O domicilio social do club Silva SD fixarase na localidade de A Coruña, rúa Galileo Galilei 12 15.008, teléfono 981173790, fax 981177411, e-mail silva@clubsilva.com.

A xunta directiva mediante acordo maioritario de asemblea xeral extraordinaria, terá atribucións, cando as circunstancias o aconsellen, para acordar o cambio do domicilio social dentro da mesma localidade, sempre no territorio da comunidade autónoma de Galicia. En ambos casos, o traslado de domicilio social non implicará modificación estatutaria e terá que ser notificado aos socios, e ao Rexistro de Entidades Deportivas de Galicia.

CAPÍTULO II

CLASES DE SOCIOS, ADMISIÓN, DEREITOS E OBRIGAS

Artigo 4º. O número de socios será limitado. A xunta directiva poderá suspender, non obstante, a admisión de novos socios cando así o esixan razóns de aforo ou capacidade física das instalacións. Os socios poderán ser das seguintes clases: de número, honorarios, aspirantes e familiares.

Artigo 5º. Son socios de número todas as persoas maiores de idade, que satisfaga a cota social establecida pola asemblea xeral.

Os menores de 18 anos clasificaranse como socios aspirantes, tendo dereito ó uso das instalacións sociais mediante a cota que se fixe, e pasarán automaticamente a ser socios de número ó cumpriren a maioría de idade.

Serán socios honorarios aquelas persoas ás que a asemblea xeral confira esta distinción e terán un posto de preferencia nos actos oficiais da entidade.

Son socis familiares todas aquelas persoas que dependan economicamente dun socio de número e que convivan con él no mesmo domicilio.

Artigo 6º.

Os socios de número terán os seguintes dereitos:

- A) Contribuir ó cumprimento dos fins específicos da asociación.
- B) Esixir que a asociación se axuste ao disposto na normativa autonómica deportiva e ó establecido no presente estatuto.
- C) Separarse libremente da asociación.
- D) Coñecer as actividades da asociación e examinar a súa documentación, previa petición razoada ao presidente.
- E) Expor libremente as súas opinións no seo da asociación.
- F) Ser elector e elexible para os órganos de representación e goberno da asociación, sempre que teña plena capacidade de obrar.

Son obrigas dos socios de número:

- A) Aboar as cotas que esixa a asemblea xeral.
- B) Contribuir ó sostemento e difusión de deporte ou modalidades deportivas.
- C) Acatar cantas disposicións dicte a asemblea xeral, a xunta directiva ou o presidente, para o bo goberno da sociedade.

Os socios aspirantes terán dereito a aproveitarse dos servizos e instalacións sociais da asociación.

Os familiares dos socios de número terán dereito a aproveitarse daqueles servizos e instalacións que se determinen, previo pago da cota fixada.

Artigo 7º.

Para ser admitido como socio, en calquera das modalidades, será necesario:

- Ter a idade sinalada en cada unha delas
- Solicitude por escrito dirixido ao presidente
- Satisfacer a cota de ingreso correspondente.

Artigo 8º.

A condición de socio pérdese:

- Por vontade propia
- Por falta de pago das cotas sociais durante tres meses consecutivos, previo requerimento de pago, e consecuente resolución do presidente.
- Por acordo do presidente, no seu caso, fundado en faltas de carácter grave, previa audiencia do ingresado, que haberá de ser ratificada na primeira asemblea xeral que se celebre.
- Por calquera outra causa establecida na lexislación vixente.

CAPÍTULO III

ÓRGANOS DE REPRESENTACIÓN E GOBERNO

Artigo 9º.

Son órganos de representación e goberno do clube a asemblea xeral e o presidente.

Artigo 10º.

O presidente é o órgano executivo do clube, posúe a representación legal, convoca e preside os órganos de representación e goberno, executando os acordos destes.

O cargo de presidente é a título gratuito e carnte de interese nos resultados económicos da explotación, por si mesmo ou a través de persoa interposta.

Será elixido mediante sufraxio universal libre, directo, ou igual e secreto por e entre os membros da asemblea xeral, cada 4 anos. As candidaturas para presidente deberán ir promovidas polo menos por un número de socio con dereito a voto equivalente ao 10%. Se fose un número inferior a 10.000, incrementárase nun 2% sobre o exceso.

Artigo 11º.

O presidente cesará por:

- Trascorrer o período que foi elixido.
- Dimisión.
- Falecemento ou incapacidade física ou psíquica para continuar no exercicio do seu cargo.
- Aprobación dunha moción de censura pola asemblea xeral.
- Inhabilitación por sentenza xudicial firme ou sanción deportiva.

Artigo 12º.

1- Como órgano complementario dos de goberno e representación poderá haber unha xunta directiva que actuará como órgano colexiado da xestión do clube, e exercerá a función que este estatuto lle confire.

2- Os membros da xunta directiva serán designados e revocados libremente polo presidente, debendo dar conta diso na primeira asemblea xeral que se celebre. Da mesma formará parte un secretario e un tesoureiro. Todos os cargos serán gratuítos e carecen de interese nos resultados económicos do clube por si mesmos ou persoa interposta.

Artigo 13º.

1- A xunta directiva quedará validamente constituída en primeira convocatoria cando concorran a maioría dos seus membros. En segunda convocatoria será suficiente a concurrencia, polo meno, de tres dos seus membros e, en todo caso, do primeira.

2- A xunta directiva convocarase polo presidente con dous días de antelación como mínimo á data de celebración.

A xunta directiva quedará tamén válidamente constituída, cando estean presentes todos os seus membros, aínda que non houbera mediado convocatoria previa.

3- En especial corresponde á xunta directiva:

- A) Dirixir a xestión do clube, velando polo cumprimento do seu obxeto social.
- B) Formular o inventario, memoria e presuposto anual, que someterá á aprobación da asemblea.
- C) Aplicar todas as medidas deportivas, económicas e administrativas precisas para o fomento e desenvolvemento do deporte dentro do clube.

Artigo 14º.

O secretario da xunta directiva coidará do arquivo da documentación, redactará cantos documentos afecten á marcha administrativa da asociación e levará o libro de rexistro de socios e o libro de actas.

Artigo 15º.

1- O tesoureiro da xunta directiva será o depositario da asociación, asinará os recibos, autorizará os pagos e levará os libros de contabilidade.

2- Será obriga do tesoureiro formalizar, durante o primeiro mes de cada ano, un balance de situación e as contas de ingresos e gastos, que se porán en coñecemento de todos os asociados.

Artigo 16°.

1- A asemblea xeral é o órgano supremo do goberno do clube e estará integrado por todos os seus socios de número.

2- As asembleas xerais, tanto ordinarias como extraordinarias, quedarán válidamente constituídas en primeira convocatoria cando conorran a ella a maioría dos seus asociados. En segunda e última convocatoria, media hora máis tarde, quedará constituída calquera que sexa o número de membros presentes. Entre a data de convocatoria e o día sinalado para a súa celebración terán que mediar, como mínimo, dez días naturais e non poderá transcorrer máis de 20,

Artigo 17°.

A asemblea xeral convocarase polo presidente e a iniciativa propia ou do 25% ao menos dos socios de número.

1- A asemblea xeral reunirase con carácter ordinario, previa convocatoria do presidente, o menos unha vez ao ano para tratar das seguintes cuestións:

- A) Memoria, liquidación dos presupostos, balance do exercicio, rendición de contas e aprobación se procede.
- B) Presuposto para o seguinte exercicio.
- C) Proxecto e propostas do presidente ou da xunta directiva.
- D) Proposicións que formulen os socios e que terán que ir asinadas ó menos, polo cinco por cento dos mesmos.

2- Terá que celebrarse asemblea xeral extraordinaria para a modificación dos estatutos, elección do presidente, toma de cartos e préstamo, emisión de títulos representativos de débeda ou de parte alícuota patrimonial, enaxenación de bens inmobles e fixación das cotas dos socios, e calquera outro acordo previsto nestes estatutos ou que se estime oportuno polo presidente ou proceda legalmente.

Artigo 18°.

Os acordos da asemblea xeral adoptaranse por maioría simple dos presentes, requeriéndose unha maioría cualificada e un quorum determinado de asistencia para aqueles asuntos que establezan os estatutos. Serán vinculantes e de obrigado cumprimento e terán forza executiva a partir da data da súa adopción, sen prexuízo, por razón de materia, da posibilidade de impugnación perante os órganos competentes e da Federación Galega Deportiva da modalidade ou perante o comité galego de Xustiza Deportiva.

CAPÍTULO IV

RÉXIME DOCUMENTAL

Artigo 19º.

O réxime documental do club constará dos seguintes libros: rexistro de socios, de actas e contables.

Artigo 20º

No libro de rexistro de socios, terán que constar os nomes e apelidos dos socios de número, o seu documento nacional de identidade e, no seu caso, os cargos de representación, goberno e administración que exerzan no club. Tamén especificaranse as datas de altas e baixas, e a toma de posesión e cese nos cargos aludidos.

Artigo 21º.

No libro de actas consignaranse as reunións que se celebre a asemblea xeral e a xunta directiva con expresión da data, asistentes, asuntos tratados e acordos adoptados. As actas terán que estar asinadas, en todo caso, polo presidente e o secretario.

Artigo 22º.

Nos libros de contabilidade figurarán tanto o patrimonio como os dereitos e obrigas, e ingresos e gastos do club, debéndose precisar a procedencia daqueles e a inversión ou destino deles.

RÉXIME DISCIPLINARIO

Artigo 23º.

Os órganos e socios do club estarán sometidos ao regulamento disciplinario do club e ao disposto no título VII da Lei 3/2012, do Deporte de Galicia, e a súa normativa de desenvolvemento.

Artigo 24º.

Así mesmo o presidente e os membros da xunta directiva responderán fronte aos socios, o club ou terceiros dos prexuízos que ocasionen por culpa ou negligencia grave, de conformidade coa regulamentación propia do club e ordenamento xurídico vixente.

O órgano a quen corresponde potestade disciplinaria é a xunta directiva, e será a que imporá calquera sanción ou instrución de expediente coa audiencia do interesado.

CAPÍTULO V

RÉXIME ECONÓMICO-FINANCIERO E PATRIMONIAL

Artigo 25º.

O club Silva SD sométese ao réxime do presuposto e patrominio propio coas seguintes limitacións:

A) A totalidade dos ingresos aplicaranse ao cumprimento de fins sociais.

No futuro o patrimonio do clube estará integrado por:

- A) As aportacións económicas dos socios, que aprobe a asemblea xeral.
- B) As doazóns e subvencións que reciba.
- C) Os resultados económicos que pode producir as manifestacións físico-deportivas que organice a entidade.
- D) As rendas, froitos e intereses do seu patrimonio.

Queda expresamente excluído como fin do clube o ánimo de lucro e a totalidade dos seus ingresos e beneficios aplicaranse ao cumprimento dos seus fins sociais.

Artigo 26º.

O clube poderá grabar e allear bens, mobles e inmobles, tomar diñeiro a préstamo e emitir títulos transmitibles representativos de débeda ou parte alícuota patrimonial, sempre que cumpra os seguintes requisitos:

1- Que se autorice tales operacións por maioría de dous tercios dos socios presentes ou representados na asemblea xeral extraordinaria.

2- Que ditos actos non comprometan de modo irreversible o patrimonio da entidade ou a actividade físico-deportiva que constituía o seu obxeto social. Para a adecuada xustificación deste extremo poderase esixir sempre que o soliciten como mínimo o 5% dos socios de número o oportuno dictame económico-social.

3- Cando se trate de gravar ou allear bens, mobles e inmobles que foran financiados en todo ou parte, con fondos públicos da comunidade autónoma de Galicia, será preceptiva a autorización previa do órgano competente da Xunta de Galicia.

Artigo 27º.

O clube poderá emitir títulos de débeda ou de parte alícuota patromonial, que serán nominativos.

Os títulos inscribiranse nun libro que levará ao efecto o clube, no que se anotarán as sucesivas transferencias.

En todos os títulos constará o valor nominal, a data de emisión e, no seu caso, o interese e prazo de amortización.

Artigo 28º.

Os títulos de débeda só se poderán suscribir polos asociados, e a súa posesión non conferirá dereito algún especial aos socios, agás a percepción dos intereses establecidos conforme á lexislación vixente.

Artigo 29º.

Os títulos de parte alícuota patrominial terán que ser asemade suscritos polos asociados. En ningún caso eses títulos darán dereito á percepción de dividendos ou beneficios.

Artigo 30º.

Os títulos de débeda e a parte alícuota patromonial serán transferidos unicamente entre os que teñan a condición de socios.

CAPÍTULO VI

REFORMA DOS ESTATUTOS E DISOLUCIÓN DO CLUBE

Artigo 31º.

Os presentes estatutos só se poderán modificar, reformar ou derogar, por acordo da asemblea xeral extraordinaria convocada a tal efecto, mediante votación favorable dos dous tercios dos socios de número asistentes.

A reforma destes estatutos seguirá, con respecto ao rexistro de entidades deportivas de Galicia, os mesmos trámites administrativos que para a súa inscrición.

Artigo 32º.

O clube extinguirase ou disolverase por acordo de:

- A) Dos dous tercios dos socios en asemblea xeral extraordinaria, convocada ao efecto.
- B) Por sentenza xudicial.
- C) Por outras causas legalmente determinadas. En todo caso será noticado ao rexistro de entidades deportivas de Galicia.

Artigo 33º.

Disolto o clube, o remanente do seu patrominio social, se houberse, aplicarase a fins análogos de carácter deportivo ben por acordo previo da asemblea xeral ou subsidiariamente polo órgano competente en materia de deporte da Xunta de Galicia.

O PRESIDENTE
LUIS VARELA RODRÍGUEZ

A SECRETARIA
MARÍA VALES GÓMEZ